



O‘ZBEKISTON RESPUBLIKASI TOSHKENT VILOYATI
O‘RTA CHIRCHIQ TUMAN HOKIMI
Q A R O R I

O‘rta Chirchiq tumani 111507, Uyg‘ur MFY, Yoshlik ko‘chasi, 1-uy. Tel: (70) 76-29-505

2022 - yil 6 - sentabr

271-10-143-Q/22

O‘rtachirchiq tuman hokimligi

**O‘rta Chirchiq tumanidagi qabristonlarda dafn etish xizmatlarini ko‘rsatish bo‘yicha
tariflar miqdorini tasdiqlash to‘g‘risida**

O‘zbekiston Respublikasi “Mahalliy davlat hokimiyati to‘g‘risida”gi Qonunning 6, 25-moddalari, “Dafn etish va dafn ishi to‘g‘risida”gi Qonunining 15-moddasi, Vazirlar Mahkamasining 2011 yil 4 apreldagi “Dafn etish va dafn ishi to‘g‘risida”gi O‘zbekiston Respublikasi Qonunini amalga oshirish chora-tadbirlari haqida”gi 101-son qaroriga asosan tuman hududidagi dafn etish joylarini saqlash va obodonlashtirish maqsadida,

QAROR QILAMAN:

1. O‘zbekiston Respublikasi Vazirlar Mahkamasining 2011 yil 4 apreldagi “Dafn etish joylarini saqlash, ulardan foydalanish va qabr usti yodgorliklarini o‘rnatish tartibi to‘g‘risida”gi 101-son qarori rahbarlik va ijro uchun qabul qilinsin.

2. Tuman hokimining birinchi o‘rinbosari M.Aripov, tuman Adliya bo‘limi hamda Obodonlashtirish boshqarmasi (A.Turdiqulov)lar bilan birgalikda bir oy muddatda tumandagi qabristonlarda dafn etish xizmatlarini ko‘rsatish bo‘yicha tariflarlar miqdorini ishlab chiqsin va tasdiqlash uchun tuman hokimiga kiritsin.

3. Tuman mahalla va nuroniylarni qo‘llab-quvvatlash bo‘limi (G.Qo‘shmatova), tuman sanitariya epidemiologik osoyishtalik va jamoat salomatligi markazi (A.Maripov), tuman obodonlashtirish boshqarmasi (A.Turdiqulov) - fuqarolarni o‘zini-o‘zi boshqarish organlari bilan hamkorlikda qabristonlarni zarur darajada saqlash va obonlashtirish hamda hasharlar, xotirlash kunlari va boshqa tadbirlarni tashkil etish - sanitariya qoidalari va me‘yorlariga qat‘iyan rioya etgan holda qabristonlarni ochish va yopishda qonuniylikni ta‘minlash, qabristonlar tashkil etish uchun yer uchastkasini ajratishni yer to‘g‘risidagi qonun hujjatlariga muvofiq amalga oshirilishini ta‘minlasin.

4. Tuman obodonlashtirish boshqarmasi (A.Turdiqulov) hamda qabristonlarning ma‘muriyatlari:

- xizmatlar uchun qat‘iyan belgilangan tariflar bo‘yicha hisob-kitob qilgan holda fuqarolarning qabristonda ko‘rsatiladigan xizmatlarga doir buyurtmalarni o‘z vaqtida va sifatli bajarilishini;

- qabristonlarda byustlar, xaykaltaroshlik yodgorliklari yoki alohida arxitektura shakliga ega bo‘lgan inshootlarni o‘rnatish, obyektlarni saqlash va ulardan foydalanish qoidalariga rioya etilishini ta‘minlasin.

5. Mazkur qaror “Mash`al” gazetasida rasman e`lon qilinsin va tuman hokimligi rasmiy veb-saytiga joylashtirilsin, ushbu qaror rasman e`lon qilingan kundan boshlab kuchga kiradi.

6. Mazkur qarorning bajarilishini nazorat qilish tuman hokimining birinchi o`rinbosari M.Aripov zimmasiga yuklansin.

Tuman hokimi v.b



I.Kasimov